



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

§. 4. De Morcâ.

urn:nbn:de:hbz:466:1-13167

§. 4. De Moreâ, seu Peloponneſo.

NVM. 1. Nomen Moreæ.

Mopézz à Græcis appellatur, *Morea* à Latinis, in genere masculino vt obſeruauit Leunclauius. Hoc nomen accepit à Moris arboribus, quæ hîc frequentiffimæ viſuntur. Tzaconia autem, & Romania à quibusdam toti huic regioni conceſſa, nomina ſunt Prouinciarum, & hoc etiam vniuerſæ Græciæ vt præmonuimus.

NVM. 2. Quantitas Moreæ.

Latitudo eius ab Hexamilo ad Tænarium Pro. *le Cap. Cailles ou Metapan*, eſt 2. graduum cum dimidio, ideo 150. mil. paſſ. leuc. Franc. 75. Germ. 37. cum dimidia.

Longitudo à Pro. Tornefio *Cap. Tornefe*, ad Pro. Scylleum *Cabo Schillo* 3. graduum maioris circuli, ideo 180. mil. paſ. leucarum Franc. 90. German. 45.

NVM. 3. Qualitas Moreæ.

FERTILIS eſt, & amœna, niſi in medio vbi montibus tumet: & ſicèt vbique colles aſſurgant, vallibus tamen penſatur editior ille ſitus. Vnde quaque alluitur mari, quod ad Malea Pro. *Cabo Malio* in primis vorticofum eſt, ventis atrociffimis obnoxium, qui ſæpe mutantur derepente non ſine nauarum periculo. Tzaconia eſt paulò ſterilior, ſed quia incolæ liberi, & expertes Ottomanicæ ſeruitutis, nihil hîc ad victum deeſt; reliqua enim quibus carent piratica ſufficit, & prædæ quas abigunt ex Inſulis.

NVM. 4. Mores Tzacorum, ſeu Mainotarum.

MAINOTÆ, ſeu Tzacones, habentur à reliquis Moreæ populis Barbari; & licèt Græcum ritum profiteantur ſunt tamen Turcis, quàm Chriſtianiſ ſimiliores. Decem millia armatorum educunt, tenues copias, ſed expeditiffimas, & quæ adhuc à Turcis debellari non potuère; dum fugiunt peritiſſimè & certiffimè ſagittas vibrant. Nullam grandioreſ nauem ad portus appellere patiuntur, ſed minora tantum nauigia, & lintres, quibuſcum pelles, lanas, adipem, & vina permutant. Hoſtiles naues quotquot capiunt præſcindunt, & inflammant, & ſuis piraticis aëuariolis Inſulas ditionis Turcicæ fatigant, atque diripiunt. Meliùs cum Venetis

conueniunt: nihilominus ab illis hi sibi cauent, quoniam vix se continent homines raptò viuere assueti, vbi aliquid prædæ in nauibus latere nouerunt.

NVM. 5. *Politia Moreæ.*

PRINCIPES Græci, seu Despotæ Moreæ, diu hîc rerum potiti sunt, qui Turcis in Europam irrupentibus Hexamilum excitauerunt rursus, atque munierunt, opus à Peloponnesiis excitatum tempore belli Persici vt præmonuimus. Hic murus ab Amurato II. disiectus est, regio latè, & fœdè vastata. Vindicarunt & hanc sibi Veneti anno Christi 1543. eumque murum excitarunt denuo, & duplici fossâ munierunt intra 15. dies, 30. hominum millibus diu noctûque laborantibus; sed quanto labore & industriâ munitio illa excitata fuerat, tam turpiter, & flagitiosè deserta fuit, atque per Mahumetum II. nullo negotio disturbata, quando Thomas Palæologus vltimus Moreæ Despota exautoratus Romam profugit. Saniacus Methonensis de *Modon* dicitur *Morabegi*, hoc est dominus Moreæ & mille equites educere solet: Nauplia tamen *Napli de Romanie*, penè videtur esse libera; ideòque crescit in dies, aliis deficientibus. Per Moream sparsi Albani, gens parum quieta, & neque iugum ferre potens, nec sat gnara excutere; ideòque conqueruntur indigenæ se Albanorum imprudentiâ sæpe Turcarum crudelitati expositos esse.

§. 5. *De Albania.*

NVM. 1. *Nomen Albania.*

ALBANIA semper Arbania apud Leunclauium dicitur; qui obseruat Albanos à Turcis appellari *Arnaut-laros*. Quidam volunt Albanorum nomen antiquum esse, siquidem Ptolemæus hîc urbem Albanopolim nominat: meliùs dicti sunt ab Albanis Asiaticis, qui expulsi per Tartaros eas sedes occupauere.

NVM. 2. *Quantitas Albania.*

Longitudo eius desumitur ab vrbe Dulcinio *Dulcigno*, & pertinet ad montes Albanos, seu quibus Albania dispescitur à Macedoniâ, & continet 120. mil. pas. leucas Franc. 60. Germanicas 30.

M m m iij